



Inatsisartunut ilaasortamut
Najaaraq Møller
Siumut

15-02,2024
Suliap normua 2024-2029
Allakap ilisarnaataa 23825717

Postboks 260
3900 Nuuk
Oqa. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Pinasuartumik angerlarsimaffiup avataanut inissiisarnarit pillugit § 37 naapertorlugu apeqqummut nr. 13-imut akissut

Asasara Najaaraq Møller.

Apequtinnut qujanaq. Apeqqutit tullinnguuttut ataasiakkaarlugit assilinqarsimapput, akissutinik tullegarlutik.

1. Isumaginninnermut Aqutsisoqarfiup tungaanit, kommunit meeqqanut ikorfartortarialinnut pinasuartumik angerlarsimaffiup avataanut inissiisarnarannut atatillugu nakkutilliinikkut sullissineq Naalakkersuisut qanoq isumaqarfigaat?

Akissut:

Isumaginninnermut Aqutsisoqarfik nakkutilliisuunngilaq, Isumaginninnermut Aqutsisoqarfik nakkutilliinermi oqartussaasuunngimmat.

Takuuk isumaginninnermi suliassaqaqfimmi nakkutilliisarneq pillugu Namminersorlutik Oqartussat nalunaarutaanni nr. 49-mi, 31. august 2021-meersumi Naalakkersuisut qitiusumik nakkutilliinermik ingerlatsivia (Nakkutilliinermik ingerlatsivik) kommunalbestyrelsen ingerlatsineranik aamma inunnik isumaginninnermut inatsisinik aqutsineranik, matumani Meeqqat tapersorsorneqarnissaannut Inatsisartut inatsisaannik pingaarnertut nakkutilliisuussaaq.

2. Kommunit nakkutilliinerannut kiisalu ulloq unnuarlu inissiisarfinnut nakkutilliinerup nukittorsarnissaannut Naalakkersuisut qanoq pilersaaruteqarpat?

Akissut:

Naalakkersuisut naliliipput isumaginninnermi suliassaqaqfimmi nakkutilliisarnermik patajaallisaasoqarnissaanik ataavartumik pisariaqartitsinermik, ilaatigut inatsimmik allannguissamik pisariaqartitsinnaanermik. Inatsisartut Ukiaanerani ataatsimiinneranni 2023-mi meeqqat tapersorsorneqarnissaannut inatsimmik allannguissamik akuersissuteqartoqarpoq, ilaatigut kommunimi meeqqanut ilaqutariinnullu sullissivinnik ilaqutariillu illuinik ingerlatsinermik sammititamik nakkutilliineq kiisalu



najugaqatigiiffiit, meeqqat illui qimarnGUIILLU meeqqanut ilaqtariinnullu sullissivinnut atatillugu pilersinneqarsimasut pillugit aalajangersakkat.

Maannakkut inuit innarluutillit tapersorneqarnissaat pillugu Inatsisartut inatsisissaat nutaaq pillugu siunnersuummik Naalakkersuisut sulissuteqarput, tassani naatsorsuutigineqarluni aalajangersagaq, taanna kommunimi inummut sammititamik nakkutilliinermik patajaallisaasusaaq.

3. Kommunini allaffissornikkut sullissinerup pitsanngorsarnissaanik Naalakkersuisut pilersarusiaqarpat? Soorlu makkunani:

Akissut:

Eqqaaneqarsinnaavoq Naalakkersuisut isumaginninnermi suliassaqarfimmi kommunimi sulianik suliarinnittarnermut tunngatillugu suliamik aallartitseresimasut. Naalakkersuisut suleqatigiissitamik pilersitsipput, taakkua pisortat ingerlatsineranni sullissinermik suliassaqarfik qanoq pitsanngorsaasinnaaneranik innersuuteqartartussat. Matumani siunertaavoq naliginnaasumik sulianik suliarinnittarnermik pingaartumik meeqqanut inuusuttunullu suliassaqarfimmi pitsanngorsaanaissaq.

a. Pinasuartumik angerlarsimaffiup avataanut inissiigasuartariaqarnerni.

Akissut:

Kommunini sulianik suliarinnittarnermik pitsanngorsaaneq ingerlatiinnarniarlugu Isumaginninnermut Aqutsisoqarfiup Sullissisunik Siunnersuisarfik ilinniartitsinermik sanileralugulu ilitsersuussinermik suliaqarpoq. Matumunnga peqqutaavoq nukinginnartumik inissiisarnerit pillugit sulianik isumaginnittarnermut atatillugu sulianik suliarinnittartunik piginnaangorsaanaissaq. Immikkoortortaqaqarfik aaqqissuussami Get Organized-imi ilinniartitsisarpoq, taanna suliassaqarfimmi inatsiseqartitsinermut equutsitsinissaq qulakkeerniarlugu sulianik suliarinnittartunik tapersersuisoq. Tamanna nukinginnartumik inissiisarnernik sulianik suliarinnittarnermi aaqqissuussasumik suliat tulleriarneqartarneri misissorneqarnerisigut pissaaq.

b. Meeqqanut pinasuartumik angerlarsimaffiup avataanut inissinneqartartunut inissarititaasartunut akuersissutit qulaajarnissaannut

Akissut:

Meeqqanut pinasuartumik inissinneqarsimasunut akuerineqarsimasunik inissiaqanngilaq, inissiinerulli pinnginnerani kommunalbestyrelse Naalakkersuisut ulloq unnuarlu paaqqinnittarfiutaannut akuerineqarsimasunut meeqqanik inissiinissaminut pisussaaffeqarpoq, takuuk Meeqqat tapersersorneqarnissaannut Inatsisartut inatsisaanni § 30 kiisalu Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni §§ 11 aamma 17

Aammattaaq Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaanni ulloq unnuarlu paaqqinniffiit aaqqissugaanerit pillugu aalajangersagaqarpoq.

c. Meeqqat pinasuartumik angerlarsimaffiup avataanut inissinneqartartut sullissisuisa sumik ilinniagaqarsimanerannik nakkutilliinikkut qulaajaanissamut

Akissut:

Sullissisut sumik ilinniagaqarsimanerannik Nakkutilliinermik Ingerlatsivik nakkutilliinikkut qulaajaaneq ajorpoq.



d. Meeqqat pinasuartumik angerlarsimaffiup avataanut inissinneqarsimasut periusissiuunnissaannut

Akissut:

Meeqqat pinasuartumik inissinneqarsimasut Naalakkersuisunit aalajangersimasumik iliuusissatut pilersaaruteqarfigineqanngillat. Naalakkersuisulli *Inssiinerit ikinnerit, inssiinerit pitsaanerit: Ilaqutariinni pitsaaliuinerimik suliaqarnermut iliuusissatut pilersaarut 2023-2030* suliaraat, tassani anguniarneqartut ilaatigut tassaapput pitsaanagerusumik inissiisarnernik pilersitsineq aamma meeqqap qaqugukku inissinneqartariaqarneranut paasinnillu arnerunermik qulakkeerinnineq.

4. Naalakkersuisut takornialerisunik allanilluunniit suliffeqarfinnik "immikkoortoqarfiuteqartunik" ilisimasaqarpat, meeqqanik immikkut pisariaqartitsisunik angerlarsimaffiullu avataanut inissinneqarsimasunik sullitalinnik, naak tamakkuninnga ukkatarinnissinnaanermut tunngaviliisussamik ilinniagaqarsimannikkaluarlutik imaluunniit sulisussaalatsigaluarlutik sulii paaqqutarinnittunik?

Naalakkersuisut pisumik allamik ataatsimik akuerineqarsimannngitsumik ilisimannippat. Naalakkersuisut tamatuminnga ilisimannilersimanerannut atatillugu kommune ulloq unnuarlu inissiivissivinnik akuerineqarsimannngitsunik atuinerup ajornartorsiutitaqarneranut erseqqissaavigineqarsimavoq. Meeqqat taamaallaat ulloq unnuarlu paaqqinnittarfinnut akuerisaasimasunut inissinneqartarniassammata Naalakkersuisut kommunalbestyrelsinik sukumiisumik oqaloqateqarput

a. Taamaattoqarsimappat, tamanna Naalakkersuisut qanoq isumaqarfigaat?

Akissut:

Meeqqat angerlarsimaffiup avataanut inissinneqartut inatsisit malillugit toqqjissisimanartumut inissinneqassapput.

b. Inatsisitigut tunngavissaqarnerluni, kommunit; meeqqanik immikkut pisariaqartitsisunik taamak sumulluunniit inissiisinnaanerinut, taamatullu aamma tulluuttumik tamakkuninnga tunngassutilinnut ilinniagaqarsimannikkaluartunut?

Akissut:

Meeqqap pisariaqartitaanik nalilersuineq isumaginninnikkullu sullissinermik misissuineq tunngavigalugit kommunalbestyrelse inissiiffissamik toqqaanermik aalajangiinissaminut pisussaaffeqarpoq. Aalajangersagaq taanna malillugu iliuusissatut pilersaarummi inissiinerim siunertarineqartutut taaneqartut inissiiffissatut toqqaarneqarsimasup ikorfartussavai meeqqallu inissinneqarnerata ataqatigiittuunissaa qulakkiissallugu.

Meeraq sumiiffimmut sulianik ilisimasalinnit ikiuinissamik neqeroorutilimmut inissinneqassaaq meeqqallu tunngaviusumik pisariaqartitaanik nalilersuineq tunngavigalugu inissiiffissaq aalajangerneqassalluni.

Kommunili inissiiffissamik aalajangersimannngitsumik aalajangiissappat taamaattumillu nalilersuinissami pissutsit allattorsimasut § 30, imm. 1-imiittut ilanngutitinnagit, tamanna Meeqqat tapersorsorneqarnissaannut Inatsisartut inatsisaannik § 30-mi, imm. 1-imik tamatigut akertuutitsisassaaq.



5. Meeqqanut ullut unnuarlu paaqqinnittarfiusuni sulisut, meeqqanik aliasunnermik ilungersunartumillu nalaataqarsimasunik, sullissisussatut inissisimasut qanorlu iliuseqarnissamik ilinniagaqarsimanginnerat Naalakkersuisut qanoq isumaqarfigaat?

Akissut:

Perorsaanikkut isumassuinissamik ilinniarsimasunik naammattunik sulisussaqaartitsiniartarnek ilungersunarsinnaasartoq ilaatigut ukiut tamaasa Ulloq unnuarlu paaqqinnittarfiit pillugit ukiumoortumik nalunaarusiani Inatsisartut Ukiaanerani Ataatsimiinneranni tunniunneqartartuni takuneqarsinnaavoq. Pissutsit taamaatsillugit ilinniagaqarneq apeqqutaatinnagu sulisut meeqqanut isumassuisuunissaat qanilaartuunissaallu pingaaruteqarnerpaajusoq Naalakkersuisut isumaqarput. Tamatuma saniatigut paaqqinnittarfinni ulluinnarni sulinerup pitsaassusaanik qulakkeerinninniarnermi sulisut ilinniagaqarsimangitsut piginnaangorsarnermik pikkorissarnissaannut periarfissaqarnissaat pingaaruteqartoq Naalakkersuisut isumaqarput. Taamaattumik Isumaginninnermut Aqutsisoqarfik ilaatigut perorsaanerup iluani, nakuusernermik, siorasaarinnermik uippakajaarnermillu pitsaaliuinnermut tunngatillugu assigiinngitsunik pikkorissaanissamik neqerooruteqarpoq. Tamatuma saniatigut ulloq unnuarlu paaqqinnittarfinni aamma ulloq unnuarlu neqeroorutini sulisut paaseqatigiilluarnerunissaat anguniarlugu innuttaasunullu anguniakkat ersarissinnerulersinniarlugit Isumaginninnermut Aqutsisoqarfik ataatsimoorussatut sulianut ilisimasaqarnissamik sulisullu sakkussaannik tuniniarlugit sulissuteqalereernikuuvoq.

6. Suliaq maanna nalunnginneqartut saqqumilaartinneqarluni ingerlasoq eqqarsaatigalugu, Naalakkersuisut Kommuneqarfik Sermersuup meeqqanut inissiisarnerata aaqqiivigineqarnissaata tungaanut nakkutigineqarnissaa eqqarsaatersuutigisimanerlugu?

Naagga, Naalakkersuisut Kommuneqarfik Sermersooq nakkutigilissallugu eqqarsaatiginngilaat.

Inussiarnersumik inuulluaqqusillunga


Aqqaluq B. Egede